Thys indenture made betwix willam lorde of haryngton@ A-pon the ta partie And Robert þe Abbot & couent of Foureyns aponn þe tother partie beres witnes . þi where certan variaunce hase bene be-twene þe sayde partyes for þe closyng be-twene þe deuyse & þe boundes of þe landes & tenementes of þe saide Abbott & Couent w'in þe towne of Dalton . And þe lande & tenementes of þe sayde lورد w'in þe towne of Lese . there þe sayde partyes arre Agree in þe manere & fourme þi folowes . þi is to say . that þe saide Abbot & conuent for thayme & thayre successours for euermore . sall make A wall & A dyke at thaire will be-twyx all þe bowndes & þe deuyse of þe saide townes . Also ferre als þe boundes of thayre sayde lande & tenementes stretches w't-owtyn any clayme of comen of pasture . to be made be þe saide willam hys heyres or assignes or be any other in thayre ryghtes . And þi þe saide Abbot & Couent at thaire awne coste sall be made also suer þe rof to thayme & þaire successours for euermore als thay may be made be lawe & concience be þe avys of thayre counsell . And also þe saide Abbot & couent sall make þe saide lorde hys heres & assignes als suer of A way ouer þe landes & tenementes of þe saide Abbottes & couentes for all man~ of cariages to be made fro hys castell & maner of Aldyngham to Harray heued & agayne þi may be necessarie for his housalde his heires & assignes for euermore als þe sayde lorde may be made be lawe & concience be þe avise of hys counsell . So þi hys tenauntes nor the tenauntes of hys heires nor assignes take non@ avayle þerby And what acton@ be suet by aythe of the saide partyes agayns other & damage þerby recoueret . þe partye þi any suche damage recoueres sall relese
thayme. And yf þe saide Abbot & Couent will noght close in þe fourme aboue rehercet þþ than it be lefull to
the saide lorde & hys heires & assignes to wall & dyke at thayre will aponn hys awen grounde &
boundes
be all þe deuyses aboue saide yf thayme like if lawe & concience will. Alway prouyditt þþ if þer be
any mat-
touchyng þe maters abouesayde þþ nedes to be addit or Amynuset after þe trew entent of þe
conclusion@
betwyx þe sayde partyes þþ thane it sall be refourmede be þe avise of hugh Sawelde & John of
wrswyke as
men indifferent chosen be þe saide partyes alse thay sall fynde in thayre conyng & concience In
witness
of whilk thynge. to þe to partye of thys endenture þe saide lorde setes þe seall of hys Armes Ande
to þe tother partye of þe sayme endenture the saide Abbot & Couent hase sett þer comun seall .
Geuen@
the viij day of marche þe 3ere of the Regne of kynges herr~ þe sext aftyr þe conquestes nyent .